

basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LEKHAYA (HL)

IPHEPHA LOKUTHOMA (P1)

NOVEMBA 2014

IMITLOMELO: 70

ISIKHATHI: ama-iri ama-2

Iphepheli linamakhasi ali-12.

YELELA

1. Iphepheli LINEENGABA EZINTATHU: ISIGABA A, B kanye NESIGABA-C.

ISIGABA A:	Ukufunda nokuzwisisa	(30)
ISIGABA B:	Ukurhunyeza	(10)
ISIGABA C:	Izakhi nemithetjhwana yokusetjenziswa kwelimi	(30)

- 2. Phendula YOKE imibuzo.
- 3. Funda yoke imiyalo onikelwe yona ngokuyelela okukhulu.
- 4. Thoma isigaba ESINYE NESINYE ekhasini ELITJHA.
- 5. Thalela ngemva kokuphendula imibuzo yesigaba ngasinye.
- 6. Tlola iinomboro zemibuzo njengombana zinjalo ephepheni lemibuzo.
- 7. Tjhiya umuda OWODWA ngemva kwaleyo naleyo pendulo.
- 8. Tlola kuhle nangesandla esibonakalako.
- 9. Yelela kobana upelede amagama ngendlela efaneleko bewutlole nemitjho ezwakalako.
- 10. Isikhathi esiphakanyisweko sokutlola isigaba ngasinye:

ISIGABA A: pheze imizuzu ema-50 ISIGABA B: pheze imizuzu ema-30 ISIGABA C: pheze imizuzu ema-40

ISIGABA A: UKUFUNDA NOKUZWISISA

UMBUZO 1

Phendula imibuzo engaphasi kwetheksti eku-1.1 nengaphasi kwesithombe esiku-1.2.

1.1 Funda itheksti engenzasi bese uphendula imibuzo.

UKUTLHORISWA KWABAFUNDI NGEENKOLWENI

Qobe malanga iingidigidi zabantwana zibetjhwa livalo nakufanele zivuke ekuseni ziye eenkolweni ngebanga lokutlhoriswa ngabanye babantwana abafunda nabo. Ukutlhoriswa hlangana nabantwana besikolo kwenzeka lokha nakunomunye umntwana nofana abantwana abarhanelele ukwenza isenzo nofana izenzo ezimbi komunye qobe lilanga. Ukutlhoriswa lokhu kungenzeka ngeendlela ezinengi. Lokhu kufaka hlangana ukubetjhwa, ukuhlanjalazwa, ukuthathelwa izinto nokwenziwa okhunye nje okungathandekiko njengehlaya mumuntu omkhulu kunawe nofana sighenyana esithileko gobe lilanga. Esikhathini esadlulako umukghwa lo wawenzeka khulukhulu eenkolweni ezazibizwa bona ma-'Boarding Schools' kodwana amalanga la sekuthuwelele kizo zoke iinkolo zenarha le. Izehlakalwezi ziyanda gobe malanga begodu zenzeka ngesihlungu kangangokuthi sekuphalaka Ngokwerhubhululo elenziwe vihlangano ve-'Pondering Panda' kutholakele bona ebantwaneni abathathu, ababili babo bayatlhoriswa. Okhunye okuvezwe lirhubhululweli kukobana ebantwaneni abatlhoriswako bamaphesente ama-57 abatlhoriswa ngeenkolweni.

ngeendlela Ukutlhoriswa ngeenkolweni kwenzeka ezinengi ezihlukahlukeneko. Kungenzeka ngokomzimba, ukuthintana okungakalungi phakathi komtlhoriswa nomtlhorisi. Lomhlobo wokutlhoriswa osele ubaliwe ngiwo okghona ukubonakala msinya. Ukuthintana okuthathwa njengokutlhoriswa kufaka hlangana ukusunduzwa, ukubetihwa, ukudoswa ngeenhluthu, ukubambabamba, ukuhluthulwa izinto zakho, ukuwiselwa phasi nokusetienziswa kwezinto eziziinkhali. Okhunye ukutlhoriswa ngekokuphakanyiswa kwemizwa nokungenza bona otlhoriswako agcine agandeleleka ngokomkhumbulo. Lomhlobo wokutlhoriswa ungabangelwa hlangana nokhunye, ukuthonyelelwa amala, ukwenziwa ihlaya, ukuthukwa, ukuninwa hlangana nesighema, ukwegiswa amehlo, ukurhugwa nokukgharanyejwa. Okhunye ukutlhoriswa ngokwenziwa ngokusebenzisa iinsetjenziswa zamalanga la zokuthintana ezifana nama-imeyili, Facebook nezinye ngokobana umuntu akuthumele imilayezo enamaganyana anyefulako nofana athuselako. Lomhlobo wetheknoloji yokutlhorisa usengakajayeleki kodwana bakhona abantwana esele bawusebenzisa. Lomhlobo wenza abatlhoriswako bahlalele evalweni ngombana basuke bangazi bona umlayezo lowo uvela kubani.

Ukutlhoriswa akwenziwa besana kwaphela kodwana bakhona nabantazana ababatlhorisi. Kanengi abanye abantwana abatlhorisi ngombana bathanda kodwana basuke bangaphasi kwegandeleleko elithileko. Abosolwazi baveza bona umndeni udlala indima ekulu ekwenzeni abantwana bona babe batlhorisi. Lokha umntwana nakazithola asebujameni bokuhlangahlangana, bokukwata nofana bokugandeleleka ngokomkhumbulo uvama ukutlhorisa abanye ngomnqopho wokuthoba ihliziywakhe.

Abanye abenzi bomukghwa lo basuke bafuna ukuba badosi phambili nofana babonakale bagakathekile eenghemeni nebanganini babo. Umntwana owakhe waba ngungazimbi wokutlhoriswa ngaphambili kuyenzeka bona naye atlhorise abanye. Umntwana onganazwelo nonganavalo usemathubeni amanengi wokobana atlhorise abanye abentwana. Kanengi abantwana ababatlhorisi akubi bantwana abakhulu ngomzimba nofana ngeminyaka kunalabo ababatlhorisako, kuyenzeka babe bancazana. Abantwana ababa bongazimbi bokutlhoriswa ngilabo ababonakala banganathabo, ababonakala baneenhloni nabangathandi ukukhuluma. Abatlhorisi basuke bazi bona wabentwana umhlobo lo ulimala lula begodu akusilula bona bangazibuyiselela njeke kungebangelo ufumana umntwana amncani kodwana atlhorisa omkhulu kunaye.

kunomthelela omumbi Ukutlhoriswa epilweni yomntwana. otlhoriswako uba nobudisi bokugandeleleka ngomkhumbulo kangangokuthi ipilwakhe igcine sele ibogaboga, agulele safuthi begodu ahlale athukiwe. Umsebenzi wesikolo womntwana otlhoriswako awubi muhle begodu lokho kwehlisa nezinga lakhe lokuphumelela eemfundweni zakhe. Amarhubhululo aveza bona abentwana abatlhoriswa bangani babo basengozini yokugandeleleka ngokomkhumbulo begodu nokulahlekelwa kuzithemba. Lokhu kwenza umntwana angasakuthokozeli ukuva esikolweni, aphelelwe lithando labangani, ahlale athukiwe ngaso soke isikhathi. Uhlala afuna imali ebabelethini bakhe ukwenzela bona ayoyinikela labo abamtlhorisako. Ukutlhoriswa kesinye isikhathi kwenza umntwana agcine sele acabanga ukuzibulala ngombana asuke angasakghoni ukujamelana nobujamo agalene nabo.

Kuyatlhogeka bona iinkolo zizibophelele ekulwisaneni nomukghwa wokutlhoriswa kwabanye abentwana ngeenkolweni ngombana nakungasi njalo iinkolo zingagcina sele zimavadla. Ngokuya kwabarhubhululi kuthiwa kuqakathekile bona isikolo sazise ababelethi nangabe umntwanabo uyatlhoriswa esikolweni. Ngaphakathi kwemithetho ephathelene nokuziphatha kwabafundi kufanele kube nomthetho oginileko ophathelene nesigwebo somntwana ozokutlhorisa abanye ukuze omunye nomunye umntwana awazi. Kufanele kwandiswe ivikeleko elinengi ngemajarideni wesikolo begodu lokho kusetienziswe ngokobana ababelethi abangasebenziko. Okhunye okungasiza ukwazi ngobujamo bokutlhoriswa kukobana kube nebhoksi lapha abantwana balahlela khona amaphetjhana atlolwe iinlilo zabo nofana imiraro abahlangabezana nayo ngesikolweni.

[Irhujululwe ku-en.wikipedia.org/wiki/School-bullying, yatjhugululelwa esiNdebeleni]

- 1.1.1 Ngokutjho kwendatjana le kuthiwa umukghwa wokutlhoriswa lo wawugade wande kiziphi iinkolo? (1)
- 1.1.2 Ngiwuphi umhlobo wokutlhorisa orhabe ubonakale lokha umntwana nakatlhoriswako esikolweni? (1)
- 1.1.3 Tlola OKUBILI okungenziwa nguhlokokulu wesikolo nofana mkhandlu ojamele ababelethi ukuvikela abafundi bona bangatlhoriswa ngeenkolweni. (2)

1.1.4	Ngokurhunyezweko hlathulula bona khuyini ukutlhoriswa.	(2)
1.1.5	Tlola ngokurhunyezweko indlela yokutlhorisa ngokusebenzisa itheknoloji.	(2)
1.1.6	Ucabanga bona ngiziphi iinsetjenziswa zangeenkolweni ezitjhugululwa zenziwe iinkhali zokulimaza abanye abafundi? Ipendulo ayibe ziinsetjenziswa EZIMBILI.	(2)
1.1.7	Hlathulula umukghwa ongenziwa malunga womndeni ongagcina utjhugulule umntwana abe mtlhorisi wabanye abentwana ngesikolweni?	(2)
1.1.8	Khetha ipendulo ekungiyo kezingenzasi.	
	Ngokuya ngetheksti engehla abantwana ababa bongazimbi bokutlhoriswa ngilabo	
	A ababonakala banganathabo.B abanganabazali.C abaphuma emindenini etlhagako.D abathanda ukukhulumela safuthi.	(2)
1.1.9	Phendula umbuzo ongenzasi ngo Liqiniso nofana Akusilo iqiniso bese usekela ipendulwakho uqalise elwazini onalo.	
	UmNyango wezeFundo awungeni eendabeni zokutlhoriswa kwabentwana ngeenkolweni, kusezandleni zesinye nesinye isikolo ukobana abafundi baso baphepha njani.	(2)
1.1.10	UmThetho-sisekelo awuvumi bona umntwana aqotjhwe esikolweni ngombana kuthiwa woke umntwana unelungelo lokufunda. Tshwaya ngelihlo elibukhali umthetho lo uwuqalise ebantwaneni ababatlhorisi ngeenkolweni.	(2)
1.1.1	Nawungaba ngusihlalo womkhandlu ojamele abafundi esikolweni begodu wazi bona kunesiqhenyana esitlhorisa abanye abafundi ngiliphi igadango ongalithatha ukuqeda ubujamobu ngaphandle kobana wazise uhlokokulu wesikolo nofana umkhandlu ojamele ababelethi.	(2)

TJHEJA: YEQA IMIDA EMITHATHU NGAPHAMBI KOKUPHENDULA UMBUZO 1.2.

1.2 Qalisisa isithombe esingenzasi bese uphendula imibuzo.



- 1.2.1 Rhunyeza okwenzeka esithombeni ngephuzu ELILODWA. (1) 1.2.2 Ingabe isehlakalwesi senzeka kiyiphi indawo? (1) 1.2.3 Tlola amaphuzu AMABILI abufakazi bependulo oyinikele ngehla ku-1.2.2. (2) 1.2.4 Ucabanga bona kungebangalani abesana abajamilekwaba bangalamuli? (2) 1.2.5 Nange ubone isehlakalo esivezwe ngehla senzeka phambi kwakho, ngiliphi igadango elirhabako ongalithatha ukuqinisekisa bonyana akekho obulala omunye? (2) 1.2.6 Ngokuzwisisa itheksti engehla eku-1.1 nokuyelela isenzeko esifana nalesi esivezwe esithombeni ngiziphi iimphakamiso ongazenza ezingafaka hlangana isizo lezomthetho ukuletha ivikeleko
 - IMITLOMELO YESIGABA A: 30

ngeenkolweni?

(2)

TJHEJA: THOMA ISIGABA B EPHEPHENI ELITJHA.

ISIGABA B: UKURHUNYEZA

UMBUZO 2

Fundisisa itheksti engenzasi bese uyayirhunyeza ngokwemiyalo elandelako.

IMIYALO:

- 1. Ngamagama angadluli kwama-70, rhunyeza ngendima uveze iindlela umfundi angafumana ngayo imali yokuragisela phambili iimfundo zakhe ezikweni eliphakemeko. (Tlola ngemitjho epheleleko.)
- 2. Umutjho ngamunye awube nomqondo owodwa.
- 3. Tlola ngelimi elitsengileko ngombana uzokwabelwa imitlomelo emi-3.
- 4. Sebenzisa amagamakho, ngendlela ekungakghonakala ngayo, ungabuyeleli utlole njengombana kutloliwe endatjaneni.
- 5. Tlola inani lamagama owasebenzisileko ekupheleni kwesirhunyezo sakho.

IZINTO ONGAZENZA NANGE UNOMNGANI ODLA IINDAKAMIZWA

Ipilo ibudisi kodwana nawudla iindakamizwa iba budisi ngokubuyelelwe kabili. Imizimbethu ihlala itlhoga ukuthola amandla wokobana sisebenze kuhle nangendlela efaneleko. Kesinye isikhathi itlhoga ukujamelana nobujamo obubudisi umuntu aze alingeke azifumane sele athatha iindakamizwa. Umuntu usuke azithatha ngombana athi zimkhuthaza bona abe majadujadu nofana asuke afuna ukutjhugulula ubujamo obusuke bungakamphathi kuhle ngaleso sikhathi. Lokha nawuzisebenzisela ukuthola amandla nofana isibindi sokwenza into ethileko, kuba nabantu abakukhuthazako bona angeze wazisebenzisela safuthi kodwana kungekwaleso sikhatjhana kwaphela. Koke lokhu nakwenzekako khumbula bona umuntu angeze azilawula ekusebenziseni iindakamizwa. Wazisebenzisa kanye zinewozawoza, zithi letha godu. Njeke nazithi letha ugcina sele ungasakghoni ukuhlukana nazo. Lokha nazijikela umzimbakho, akukafaneli uzirarekele ngombana vele nawuthela itjhefu engqondweni umzimbakho ufanele ukhahlamezeke bewugandeleleke. Iindakamizwa zinekani tle ngombana zingakulahlekisela ilawulo lepilwakho.

Woke umuntu ufanele adlale indima ebabazekako eempilweni zabantu atjhidelane nabo ngokobana atjheje amatjhuguluko enzeka kibo. Lokha nawusola kwangathi umnganakho udla iindakamizwa kufanele ungajarhi ukulwa naye bewukhambe ukhuluma ngaye. Thoma ngokufuna ilwazi elizeleko ngeendakamizwa. Zibandakanye epilwenakhe ngokufuna ukwazi abanye abangani bakhe athanda ukuditjha nabo. Yazi bona usiqeda kuphi isikhathi sakhe nakangasi nawe esikolweni. Coca naye ngezinye izinto eziyingozi epilweni yomuntu bese ufaka nayo indaba yeendakamizwa le. Mcocele ngendlela ongathandi ngayo abantu abona amaphilwabo ngokusebenzisa iindakamizwa ezifana notjwala, isangu, inyawupe neminye imihlobo. Mbuze bonyana yini into ayithatha njengesitjhijilo sepilwakhe. Iba mngani olalelako, ungamtjengisi bona kukhona okusolako ngaye. Mbuze bona yena ngokwakhe uzizwa njani ngabantu abasebenzisa iindakamizwa.

Ngesikhathi nicoca khombisa ukuzwelana nabantu abasebenzisa iindakamizwa. Nakhu okungakafaneli ukwenze nangabe iinsolo zakho ngomnganakho ziliqiniso. Ungamthuki bewukhambe uhleba ngaye. Myenge kuhle, ungalahleli ithawula ngepilwakhe kodwana ragela phambili umkhuthaze ngepilo ehle angayiphila nange angazilisa. Iba mngani omuhle ukuze ukwazi ukumsusa egandelelweni labangani. Lokho kungamenza akwazi ukuzijamela bekakghone nokwala nangabe bamenzisa iziga. Vakatjhelani eendaweni ezihle nezinekuthazo epilweni. Lokha emakhenu nabanipha imali yokukhera qinisekisani bonyana nithenga izinto ezifaneleko nezizizakhamzimba.

[Irhujululwe ku-www.sanca.co.za, yatjhugululelwa esiNdebeleni]

IMITLOMELO YESIGABA B:

Ilungelo lokukhuphela lifunjethwe

Phendla

10


TJHEJA: THOMA ISIGABA C EPHEPHENI ELITJHA.

ISIGABA C: IZAKHI NEMITHETJHWANA YOKUSETJENZISWA KWELIMI

UMBUZO 3

Funda isikhangiso esingenzasi bese uphendula imibuzo.

ISIKHANGISO



- 3.1 bona ungaphundwa sipetjhalesi. (2) 3.2 Ngimaphi amagama asetjenziswe esikhangisweni angakwenza bona ugcine ungakawuthengi umtihini okhangisiweko lo nasele ufike esitolwesi? (2) 3.3 Hlathulula bona igama elithi isipetjhali limumethe mgondo bani ngokwesikhangiswesi. (2) 3.4 Hlathulula umqondo omumethwe libinzana lamagama athi, esingakhange
- sibonwe.
- 3.5 Tshwaya ngelihlo elibukhali ngamaqhinga wokukhangisa asetjenziswe esikhangisweni esingehla.

(2)

(2) [**10**]

TJHEJA: THOMA UMBUZO 4 EPHEPHENI ELITJHA.

UMBUZO 4

Qalisisa ikhathuni engenzasi bese uphendula imibuzo.

IKHATHUNI



- 4.1 Tlola okugakathekileko abantu abasekhathuninaba abalemukisana ngakho. (2) 4.2 Dzubhula igama elisisabizwana sokukhomba elisetjenziswe ekhathunini engehla ulisebenzise emutjhweni ozozitlamela wona. (2) 4.3 Tlola ELINYE igama elingakasetjenziswa ekhathunini engehla elimumethe umgondo ohlathulula into oyithola ungakayibhadeleli? (1) 4.4 Ucabanga bona kumsebenzi kabani ukwakhela umphakathi ilayibhrari? (1) 4.5 kwamalayibhrari kezinye iindawo Ukutlhogeka kunomthelela muphi ebantwaneni bomphakathi lowo. (1) 4.6 Ngisiphi isiqunto ongasithatha ngabentwana abangafuni ukukhambisana nemithetho ebekiweko emangophana nokubolekiswa kweencwadi zemalayibhrari? (1)
- 4.7 Tshwaya ngelihlo elibukhali ikulumo yomsana osefreyimini esekugcineni engesandleni sokudla le. Sekela ipendulwakho ngamaboni wakho.

(2) [**10**]

TJHEJA: THOMA UMBUZO 5 EPHEPHENI ELITJHA.

UMBUZO 5

Funda itheksti engenzasi bese uphendula imibuzo.

Isikolo saphuma khonokho. Baphuma boke abafundi bakwate bafile, bagomela bona lapha bayozithola khona iinlelesezo bayozibulala ngezandla zabo. Abotitjhere babathe baphendlana nabo kodwana azange bayingene leyo abafundi. Babhina ingoma ethi, 'Amalungelo, thina silwela amalungelo wethu.' Kuthe kusese njalo kwatheleka iimveni zamapholisa kwaba bubhidlibhidli. Amapholisa afike abancenga bona bangazithatheli umthetho bawubeke ezandleni zabo, abathathe koke bakulisele amapholisa. Kwatholakala bona abafundi babhibhidlha usathana ngendlela bakwate ngayo. Kwezwakala omunye wabafundi athi, 'Sidiniwe ziinlelesi. Bangaki abentazana abagagadlhelwako gobe lilanga? Njenganje sibona sengathi iinlelesezi ziyasabiwa thina-ke sizozitjengisa umuzi onotjwala.' Yatjho ingoma. Abafundi azange bayingene indaba yamapholisa, baragela phambili. Bezwakala abanye abafundi bathi akutholakale iimbulawo bayokubulawa abotsotsaba boke. Abathe ayabancenga amapholisa ukobana behlise ummoya kukhulunyisanwe kuhle ngendaba le kodwana azange bayingene abafundi leyo. Bakhamba bazizuma zoke iinlelesi kodwana azange bazithole ngesimanga sokobana besele zizwile bona basendleleni. Bebathi nabafika lapha bazi bona vane zibhaqe khona bafumane ngesikhundla. Bagcine sebangasazi bona bazifunele ngakuphi.

5.1	Tlola bona igama elithalelweko emutjhweni ongenzasi lisikhekhe bani sekulumo.	
	Baphuma <u>boke</u> abafundi.	(1)
5.2	Tlola bona isenzo esithalelweko emutjhweni ongenzasi lo simumethe mqondo bani wepambosi.	
	<u>Kwatholakala</u> bona abafundi babhibhidlha usathana ngendlela bakwate ngayo.	(1)
5.3	Buyelela utlole umutjho lo kodwana ulandele imithetho nemithetjhwana yokulwangisa/yokurhwalabhisa efaneleko.	
	Njenganje sibona sengathi iinlelesezi ziyasabiwa thina-ke sizozitjengisa.	(1)
5.4	Tlola isikhathi sesenzo esithalelweko emutjhweni ongenzasi.	
	Bafunga bagomela bona lapha <u>bayozithola</u> khona iinlelelesezo bayozibulala ngezandla zabo.	(1)

Tlola bona umutiho ongenzasi unamhlobo bani wesifenggo.

Buyelela utlole umutiho ongenzasi lo uveze umgondo wokulandula.

Baphuma boke abafundi bakwate bafile.

Thina silwela amalungelo wethu.

5.5

5.6

(1)

(1)

5.7 Thatha isitjho esisemutjhweni ongenzasi usisebenzise emutjhweni ozozitlamela wona utjengise bona uyayazi ihlathululo yaso.

Amapholisa ancenga bona bangazithatheli umthetho bawubeke ezandleni zabo.

(2)

5.8 Thatha isenzo esithalelwe emutjhweni ongenzasi usitjhugulule sibe libizosenzo bese usisebenzisa emutjhweni ozozakhela wona.

Abafundi bakwate bathelwe ngamanzi.

(2) **[10]**

ITLOMELO YESIGABA C: 30

INANI LOKE: 70